

APRILIS.

Angeli monitu virginalis vitæ ratione suscepta, in sanctis Christianæ religionis officiis, atque operibus perseverans, confecto huius vitæ cursu, sepelitur via Appia ad tumulum Quirini patris, in cœmiterio Prætextati. Romæ præterea, beatissimi Pontificis, & martyris Felicis: de quo ad tertium calendas Iunii. Hoc ipso die, Amos Prophetæ, quem Ozias Rex Israel necavit, temporibus uecte percussis. In Africa, Sanctorum martyrum, Anesii, Diodoli, Cornelii, Abdæ, Theoduli, Dionysii, & aliorum. Gangris, sancti Hypatii Episcopi, & martyris: qui Nicenæ synodo œcumenicæ priori interfuit. Rothomagi, Translatio Sanctorum, Andomeni, Ausberti, & Vulfrani, Episcoporum.

A P R I L I S.

Calendis Aprilis. Luna.

G.

10 21 2 13 24 5 16 27 8 19 30 11 22 3 14 25 6 17 28
 A b c d e f g h i k l m n o p q r s t

IRomæ, beatissimæ martyris Theodoræ: quæ, Sancti Hermetis martyris soror, ab Alexandro Pontifice fidei initiis instructa, & baptizata, pro religione, quam susceperat, Aureliano Imperatore, certamine præclare inuito, & egregie confecto, coronam accepit. In Aegypto, Sanctorum martyrum, Victoris, & Stephani. Eodem die, Sancti Venantii Episcopi, & martyris. In Armenia, sanctorum martyrum, Quintiani, & Irenæi. Gratianopoli, Sancti Hugonis Episcopi, & confessoris: qui multis annis in solitudine vitam egit: miraculorum laude clarus, quieuit in Domino. Ambiani, Sancti Vualerici Abbatis, & confessoris: cuius sepulcrum diuinitus crebris illustratur miraculis.

Quarto

Quarto nonas Aprilis.

Luna.

A. xi.

11 22 3 14 25 6 17 28 9 20 1 12 23 4 15 16 7 18 29
 A b c d e f g h i k l m n o p q r s t

Cæsareæ in Cappadocia, sanctæ Theodosiæ uirginis: quæ, Dio 2
 cletiano Imperatore, se confessoribus sociam adiungens, in cu-
 stodiam inclusa, equuleo cruciata, & a uinculis, & a bestiis, quibus
 obiecta est, diuinitus ac mirabiliter erepta, tandem gladio percussa,
 ad martyrii & uirginitatis præmium migravit in cœlum. Cæsareæ
 etiam, in Palestina, beatæ item Theodosiæ uirginis, & martyris. Hæc
 uirgo Tyria, octo, & decem annos nata, Cæsaream uenit, ut fideles
 aliquos, pro CHRISTI confessione uinctos, ad martyrium con-
 firmaret. quamobrem a satellitibus abrepta, ad Vrbanum præsidem
 perducitur: cuius iussu, lateribus, & mammis usque ad interiora of-
 fa laniatis, hæc atque adeo alia horrenda cruciamenta forti gauden-
 tiq; animo uirgo perferens, tandem in rapidos maris fluctus proie-
 cta, coronatur. Cæsareæ præterea in Palestina, sancti Amphiani mar-
 tyris. Is quo tempore Maximinus funestis impietatis suæ edictis re-
 omnem Christianam perturbauit, diuina quadam animi cōfessione
 & cohortatione præsidem eūdem ab idolorum cultu deterruit. quã
 ob causam hic ab illius stipatoribus, toto corpore, infinitis plagis,
 quas fortissime sustinebat, excruciatu, in carcerem truditur. post, a-
 liis acerrimis affectus supplicii, cum eandem pietatis confessionē
 libere exprimeret, demum medio mari in altissimos uortices proie-
 ctus, insignem martyrii palmam tulit. In Afrîca, sancti Victoris, &
 sociorum quindecim martyrum. Alio loco, sanctorum, Marcelli, Sa-
 turnini, Satuli, Proculæ Reginae. In Palestina, sanctæ Mariæ Aegy-
 ptiacæ: cuius uita religiose acta, & res admirabiliter gestæ, monimē-
 tis & græcis, & latinis consignatæ, leguntur. Lugduni, sancti Nicetii
 Episcopi, & confessoris, uirtutum episcopalium, & castitatis in pri-
 mis exemplo, rerumque diuinitus ac mirifice gestarum gloria clari.
 Nouocomi, sancti Abundii Episcopi, & confessoris. Hic cuius The-
 saloni-

Salonicensis Nouocomum uenit : cuius ciuitatis in Amantii lo-
cum episcopus factus , sacra eruditione , & uitæ Episcopalis lau-
de illustris , Calcedonem ad Concilium uenit : ubi rei Christia-
næ plurimum doctrina profuit. iis atque aliis meritis cumulat-
us, Ecclesiæ Nouocomensi pie gesta , spectataque in rebus, quas ges-
sit, admirandis eius sanctitate , ad præmium abiit in cœlum.
Apud Lingonas ; Sancti Urbani Episcopi, & confessoris, virtutum
splendore clarissimi. In finibus Turonensium, Sancti Francisci Pau-
lani, confessoris : qui, ordinis fratrum minorum auctor, in-
numerabilibus tum in uita, tum post obitum miraculis florens, in
Sanctorum numerum a Leone Decimo, Pontifice Maximo, re-
latus est.

B. *Tertio nonas Aprilis. Luna.*

12 23 4 15 26 7 18 29 10 21 2 13 24 5 16 27 8 19 30
A b c d e f g h i k l m n o p q r s t

Romæ, Sanctarum virginum, & martyrum, Agapis, Chionix,
& Irenix: quæ, Diocletiano Imperatore, primum in uinculis
macie pene confectæ, post in flammam iniectæ, neque ignis ui quic-
quam læsæ, precibus ad Deum habitis, in cœlum commigrarunt. Tau-
romenii in Cilicia, Sancti Pancratii Episcopi, & martyris. Hic, bea-
ti Petri, Apostolorum principis discipulus, illius ciuitatis Episco-
pus, nobili fidei certamine egregius, Christi miles, cœlesti corona
donatur. Tomis in Scythia, beatorum martyrum, Euagrii, & Benigni.
In Græcia, Sanctorum martyrum, Bythonii, & Elpidophori. In An-
glia, Sancti Richardi Episcopi, & confessoris: qui Cicestrix Episco-
pus factus, episcopali sanctitate, omniq; pastorali uirtute ita prælu-
xit, ut meritis cumulat, ab Urbano Pontifice in Sanctorum nume-
ro adscriptus sit.

Pridie

Pridie nonas Aprilis. Luna.

C. XIX.

13 14 15 16 27 8 19 30 11 22 3 14 25 6 17 28 9 20 I
A b c d e f g h i k l m n o p q r s t

IN Aegypto, beatorū martyrum, Pauli, Victoris, Nicanoris, Apol- 4
lonii, & Martinianæ virginis. Theſſalonicæ, Sanctorū, Theoduli, &
Agathopodii martyrum: qui Maximiano Imperatore, egregia fidei
confessione nobilitati, Faustini præfecti iussu, varie & grauer torti,
de in mare præcipites deiecti, præclara martyrii corona donantur.
Mediolani, Sancti Ambrosii Episcopi, & confessoris: cui præclarum
doctrinæ, sanctitatisq; testimonium dant & Latini, & Græci Patres,
tum Basilius in primis. Hic cælesti sua virtute, & admirandæ vigilan-
tiæ studio, Italia pœne tota, Arianæ impietatis tenebris circumfusa,
ad Catholicæ fidei lucem reuocata, aliisq; rebus plurimis fortiter
ac religiose gestis, & iuuandæ ecclesiæ laude, & religione, & virtu-
tū uerè pastoralium exemplis clarus, obdormiuit in Domino. Hi-
spali, in Hispania, Sancti Isidori Episcopi, & confessoris: qui multa
ad ecclesiæ utilitatem conscripsit: multaq; item confecit, quæ,
plena Christianæ charitatis, declarant sanctissimi uiri summam
religionem.

Nonis Aprilis. Luna.

D. VIII.

14 25 6 17 28 9 20 I 12 23 4 15 26 7 18 29 10 21 2
A b c d e f g h i k l m n o p q r s t

IN Aegypto Sanctorum, martyrum, Didymi, Quinti, Claudiani, 5
& aliorum. Cæsareæ, Sanctorum, Aedesii, Amphiani fratris,
de quo supra. In Lesbo insula, Sanctorum quinque martyrum: qui
& si

& si admodum adolescentes, at Christianæ uirtutis robore martyrium constanter, fortiterque obierunt. Alexandria, sanctæ Theodoræ uirginis & martyris, & Sancti Didymi martyris item: qui ambo, persecutione Diocletiani exardescente, Eustratii præfecti iussu, insigniter coronati sunt; ut quarto calendas Maii, quo die apud nos illorum martyrii celebritas agitur, uberius exponitur. In Scotia, Sancti Tigernaci episcopi, & confessoris. In Britannia, Sancti Vincentii confessoris. Hic ab ineunte pœne ætate, abiectis seculi curis, in religionem se Deo dicauit: susceptoq; Sancti Domini habitu, ut in religiosæ uitæ exercitatione, sic in theologiæ scientia progressus, multis Euangelii causa peragratis prouinciis, infinitam hominum multitudinem ab impietate ad Christianæ fidei cultum perduxit. Cuius sanctitate, & miraculorum magnitudine cognita Calixtus Tertius, Pontifex Maximus, illum in Sanctorum numero adscripsit. Leodii, Sanctæ Iulianæ uirginis.

E.
xvi.

Octauo idus Aprilis.

Luna.

15 26 7 18 29 10 21 2 13 24 5 16 27 8 19 1 11 22 3
A b c d e f g h i k l m n o p q r s t

6 **R**ome, sancti Xysti Pontificis, & martyris. Hic ciuis Romanus Pastoris filius, de regione uia lata, in beati Alexandri martyris locum, Pontifex creatus, Ecclesia Dei sancte administrata, ad eiusq; utilitatem multis rebus pie, & salutariter cõstitutis, Hadriano Imperatore, via Appia gladio percussus, egregie coronatur. Romæ item Sancti Cœlestini Pontificis. Is ciuis Romanus, Prisci filius, Pontifex factus, constituit, ut ante Missæ sacrificium psalmi ab sacerdotibus alterno uocum modo caneretur: Missæ Graduale instituit: Basilicam Iulii consecrauit: synodum Ephesinam, Nestorio damnato, habuit. Horum, atque aliorum, sancte factorum, & Hiberniæ ite insulæ, ad Christi fidem conuersæ, gloria clarus, quieuit in Domino. In Persia, Sanctorum Centum, & uiginti martyrum. Niceæ in Bithynia, Sanctorum, Firmi, Romani, Donati, & Clunii: qui, Iuliano Imperatore

ratore acerrimo fidei hoste, pro religionis Christianæ uictoria, corona martyrii donati sunt. In Macedonia, Sæctorū, Timothei, & Diogenis, martyrum. In Dacia, Sancti Vuilhelmi Abbatis & confessoris. Hic, ubi se in religionem Deo dicauit, rebus humanis neglectis, patientia, humilitate, charitateque insignis, uigiliis, ieiuniis, orationi, rerumque cœlestium contemplationibus deditus, ac spectata etiam sanctitate uir, quieuit in Domino, multis post obitū miraculis præluens. Antiochiæ, Sancti Theodori presbyteri.

Septimo idus Aprilis. Luna.

F. v.

16 17 8 19 1 11 22 3 14 25 6 17 28 9 20 2 12 23 4
 A B C D E F G H I K L M N O P Q R S T

Romæ, Sancti Egesippi confessoris. Hic, Aniceto Pontifice Romanam uenit, ubi usque ad Eleutherii pontificatum permansit, qui primum Platonica disciplina institutus, perspecta Christianorum hominum in omni cruciatu admiranda cœlestique uirtute, ad CHRISTI IESU fidem accessit: post diaconus Aniceti factus, totus ecclesiasticis studiis deditus, aliqua & religiosæ doctrinæ, & pietatis monumenta reliquit: historiamque in primis, iam inde usque a passione Domini ductam, contexuit, ut quorum res, diuine gestas, litteris cōfignaret, eorundem uitam actionibus exprimeret. In Africa, beatorum martyrum, Epiphaniæ Episcopi, Donati presbyteri, & sociorum tredecim. Alexandria, Sancti Pleusii presbyteri, & martyris. Nicomediæ, Sancti Cyriaci, & sociorum decem martyrum. In Sicilia, Sancti Calliopii martyris: qui Maximi præfecti persuasionibus, cum a fide abduci non posset, eiusdem iussu tormentis uariis, & horribilibus cruciatus, demum capite inuerso in crucem actus, diuino martyrio coronatus est. In Oppido Sinope beatissimorum martyrum Ducentorum: qui multis exantlatis certaminis laboribus, demum gladio percussi, ob insigne fidei testimonium, præmio sempiterno donati sunt. Veronæ, Sancti Saturnini Episcopi, & confessoris.

L Sexto

APRILIS.

Sextoidus Aprilis.

Luna.

G.

17 28 9 20 2 12 23 4 15 26 7 18 29 10 21 3 13 24 5
 A b c d e f g h i K l m n o p q r s t

8 **I**N Africa, Sanctorum martyrum, Timerii, Maximi, & sociorum. In Africa item, Sanctorum martyrum, Ianuarii, Maximæ, & Machariæ. Carthagine, Sanctæ Concessæ martyris. Corinthi, Sancti Dionysii Episcopi: qui doctrina, & pietate præstans, præclaris suis epistolis, quas ad Ecclesias exaravit, omnibus per multum utilitatis attulit. Nouocomi, Sancti Amantii Episcopi, & confessoris: qui Leone Primo Pontifice, Episcopatum uirtutum, & sanctimoniam laude florens, obdormiuit in Domino. Apud Turonenses, Sancti Perpetui Episcopi, & confessoris: a quo beati Martini Ecclesia exædificata est. Brixia, Inuentio Sancti Philastrii Episcopi, & confessoris.

A.
xiii.

Quinto idus Aprilis.

Luna.

18 29 10 21 3 13 24 5 16 27 8 19 1 11 22 4 14 25 6
 A b c d e f g h i k l m n o p q r s t

9 **R**omæ, Translatio Sanctæ Monicæ, matris beati Augustini confessoris, & doctoris: cum ab Ostia Martino Quinto, Pontifice Maximo, sacrum eius corpus in urbem asportatum est. Nicomedia, in Bithynia, Sancti Procori Episcopi. Hic unus de septem diaconis, quos Apostoli elegerunt, beati Ioannis Euangelistæ discipulus, & comes, Nicomediensium Episcopus consecratus, Euangelii prædicatione perfunctus, pro **C H R I S T I** gloria extremum spiritum martyrio effudit. Romæ item, beatorum martyrum, Demetrii, Concessi, & Hilari: qui, profligato per uarias certaminum uices **f** **d** **e** **i**

dei aduersario, demum pro pietatis uictoria coronantur. Sirmii, Sanctorum uirginum septem: quæ in persecutionum tempestate, arden-
ti fide incensæ, profuso sanguine, ob præclaram religionis Chri-
stianæ constantiam, coronis cælestibus a CHRISTO sponso
redimitæ sunt. Cæsareæ, Sancti Euppsychii martyris: qui, Iuliano Im-
peratore, præ fidei studio, cum Fortunæ templum euertisset, in car-
cerem detrusus, præclaro dato, & uirtutis, & pietatis testimonio, se-
cure percussus, coronatur. Rothomagi, Sancti Hugonis Episcopi, &
confessoris.

Quarto idus Aprilis. Luna.

B. ii.

19 1 11 22 4 14 25 6 17 28 9 20 2 12 23 5 15 26 7
A b c d e f g h i k l m n o p q r s t

Romæ, Sanctorum plurimorum martyrum: quos beatus Alexā-
der, Pontifex, in uinculis baptizauit: eosque omnes nauis uetu-
stæ impositos, appensis ad collum saxis ingentibus, Valerianus præ-
fectus, in mare præcipites demergi iussit. Hoc ipso die Ezechie-
lis prophetæ. Is a iudice populi Israelitici, quem impii cultus no-
mine reprehēderat, necatus, in sepulcro Sem, & Arphaxat, conditus
est. Alexandria in Aegypto, Sancti Apollonii martyris, & socio-
rum quinque. Hic piis monachalis uitæ institutis præstantissimus,
ob religionem, Diocletiano Imperatore, in carcerem detrusus, Phi-
lemonem custodem ab impietate ad fidem perduxit: quam ob cau-
sam una cū eo in ignē positus, cum nihil flammæ ui læsus esset, eius
rei admirabilitate perspecta, iudex, & alii, CHRISTI IESU fidē
amplectuntur. quos omnes uarie cruciatos, demum in mare proiici,
præfectus Alexandria iussit. Eorū corpora ad littus eiecta, in sepul-
turam pie tradita sunt. In Græcia, beatorum martyrum, Terentii, A fri-
ciani, Maximi, Pópeii, & sociorum triginta: qui in persecutione De-
ciana, Fortuniani præfecti iussu, sæpe uario multiplicique cruciamē-
torum genere affecti, una animorum consensione egregio fidei te-
stimonio reddito, demum securi percussi, corona cælesti insigniter

L 2 dona-

donati sunt. In Persia, Sanctorum, Iacobi presbyteri, & Azæ diaconi, Li, Saporio Rege, comprehensi, in iudiciumque perducti, cum Christianos se esse libere profiterentur, primum uerberibus cæsi, & nudi in sublimem elati, aliisque contumeliosis, ac grauibus tormentis excruciat, non probris, non afflictationibus e gradu pietatis deiecti, immo constantiori animo, quoniam præ se negarent, se uelle, Soli, & igni cultum tribuere, præsidis iussu, capite damnati, palmam tulerunt.

C

Tertio idus Aprilis. Luna.

20 21 22 23 24 25 26 27 28 29 30 31
 A B C D E F G H I K L M N O P Q R S T

II **R** Omæ, Sancti Leonis Pontificis. Hic pietatis religione, doctrinæ sacræ præstantia, eloquentiæ laude clarus, Sanctæ Romanæ Ecclesiæ Cardinalis, diaconus, mortuo Xysto Tertio, Pontifex creatus, cum Dei Ecclesiam, a multis hæreticis oppugnari, maximeque a Nestorianis, & Eutylianis exagitari uideret; totus ad illius præsidium conuersus, Chalcedonense Concilium, missis eo legatis, habuit: templa, a barbaris euersa, restituit; sacrorum uasa, ab eisdem erepta, refecit; Basilicam Sancti Stephani, a Demetria exædificatam, consecrauit: monasterium prope beati Petri ecclesiam extruxit: Sanctorum Apostolorum sepulcris clericos cubiculares, qui in custodia essent, addidit: ab Italiæ, & urbis ceruicibus Hunnorum iugum excussit, placato a se mirabiliter Attila, eorum Rege. Is igitur rerum gestarum magnitudine, Pontificia sanctitate, Apostolica facundia, modestia uero Christiana, omniq; diuina uirtute admirabilis, patrum Chalcedonensium præconiis eximius: & in uigiliis, ieiuniis, & lacrymis, quibus armis ad expetendam Dei misericordiam in Pontificali actione usus est, ualde exercitatus; deniq; ecclesiæ, optime gestæ, laude florens, obdormiuit in Domino. Cortynæ in Creta, Sancti Philippi Episcopi. Hic non

non obscura familia natus, accuratissimo opere, quod contra Marcionem contexuit, clarus, optimis studiis deditus, in diuinarum uirtutum exercitatione uersatus, Ecclesia Cortinensi, cui præfuit, religiose pieque administrata; obiit in Domino, Salonæ, in Dalmatia, Sancti Domnionis Episcopi, & sociorum octo martyrum Pergami in Asia, Sancti Antypæ Episcopi, & martyris. Is Domitiano Imperatore propositis contra fideles funestis edictis, a multitudine ad impiæ superstitionis antistitem trahitur: cum quo fidei dimicatione suscepta, non potuit neque persuasionibus, neque minis a proposito dimoueri. Immo uero constanti confessione strenue separato aduersario, demum in bouis ænei simulacrum, succenso igne, coniectus, dum sensim concrematur, sanctæ precationi addictus, spiritum Deo reddidit. Nicomediæ, Sancti Eustorgii presbyteri. Antiochiæ, Sancti Theodori presbyteri: quem Iuliani Apostatæ auunculus Iulianus acerbe primo cædi, postremo securi percute iussit. Cracouiæ, Sancti Stanislai Episcopi, & martyris. Hunc, diligentissime cognita uitæ eius sanctitate, miraculorum magnitudine, & martyrii certamine perspecto, Innocentius Quartus, Pontifex Maximus, in Sanctorum martyrum numerum retulit. Lugduni, Sancti Sycarii Episcopi, & confessoris. Nouiomi, Sanctæ Godobertæ uirginis.

Prædie idus Aprilis. Luna.

D.

21 20 19 18 17 16 15 14 13 12 11 10 9 8 7 6 5 4 3 2 1
 A B C D E F G H I K L M N O P Q R S T

Romæ, uia Aurelia, Sancti Iulii Pontificis. Hic ciuis Romanus, a beato Siluestro Cardinalis diaconus factus, in Marci Pontificis locum successit, pro fidei Catholicæ studio a Constantio Ariano, incommoda & angustias perpeffus, tum in exilium pulsus, eo mortuo Romam ad sedem rediit: ubi basilicis duabus, cæmeteriis tribus extructis, notariis item constitutis, qui

res ecclesiasticas litteris consignarent, & rebus aliis ad ecclesie Dei amplificationem, cultumque decretis, spectatissima uita Pontificie sanctimonia clarus, quieuit in Domino. In Græcia, Sanctorum trium martyrum, Menæ, Dauidis, & Ioannis: qui telorum coniectu transuerberati, pietatis admirabilitate insignes, coronantur. Veronæ, Sancti Zenonis Episcopi. Is, multis exantlatis pro religione laboribus, in oppugnationum fluctibus dato præclaro & fidei, & uirtutis episcopalis testimonio, ecclesieque Veronensi mirabiliter ac pie gesta, demum multis cumulatus meritis, ad præmium abiit in cælum. In Gothia Sancti Sabæ martyris. Hic iam inde ab infantia CHRISTI IESU fidem amplexus, in omni que Christianæ uirtutis exercitatione uersatus, Valente Imperatore, a Gothiæ principibus, idola colentibus uarie diuexatus, demum in Sabam fluuium proiectus, prælii, pro pietate suscepti, coronam accepit. In Oppido Vapinco, Sancti Constantini Episcopi, & confessoris. Papiæ, Sancti Damiani Episcopi, & confessoris, doctrina, sanctitate, & rerum diuinitus gestarum, gloria clari.

E.

Idibus Aprilis.

Luna.

22 4 14 25 7 17 28 9 20 2 12 23 5 15 26 8 18 29 10
 A b c d e f g h i K l m n o p q r s t

13 **P**ergami in Asia, beatissimorum martyrum, Carpi Episcopi, Papylii diaconi, Agathonice, & aliarum multarum mulierum, quæ Antonino Vero, & Aurelio Commodo Imperatoribus, post multas & eximias fidei, ac religionis nostræ confessiones, nobili martyrio sempiternam uitam asscutes sunt. Hoc ipso die, Sancti Iustini martyris. Is primo stoicæ, deinde peripateticæ, tum pythagoricæ, post platonice disciplinæ addictus, demum omni philosophorum secta repudiata, diuinitus factum est, ut CHRISTI IESU fidem, ac disciplinam amplecteretur: cuiusque usque adeo acerrimus propugnator extitit, ut ab ea defendenda nec minis, nec suppliciiis

pliciis ullis, nec denique nece deterreri potuerit quod satis declarant præclari de religionis Christianæ defensione libri ab eo cõscripti. In omne autem hominum genus, qui ab Euangelii doctrina abhorrent, acerbum se prestitit, tum in philosophos maxime, & in Crescentem in primis Cynicum: cuius uitam, & mores nefarios, quoniam multis audientibus coarguerat; ex illius infidiis in eadem Antoniniana persecutione, fortiter multa perpeffus, demum pro Euangelicæ ueritatis propugnatione, eximiam gloriæ æternæ coronam martyrio insigni consecutus est. In Græcia, Sanctorum martyrum, Maximi, Cintilliani, & Dadæ. Ii, Maximiano, & Diocletiano, Ecclesiam Dei uexantibus, comprehensi, in iudicio institutis quæstionibus, se Christianos esse, libera uoce confessi, in custodiam includuntur: ubi noctu in somnis Satanæ astu contra a se dici uident: at e somno excitati, ad eandem confessionem Angeli admonitu cum uehementius se se confirmassent, postridie mane ab impiis non modo non potuerunt a proposito amoueri, sed fidentiori animo, ac liberius CHRISTI religionem professi, primo uerberibus cæsi, post in carcerem iterum coniecti, demum, alijs superatis cruciamentis, gladio percussi, palmam martyrii tulerunt. Eodem die, beatorum martyrum, Eleutherii, Persæ, Theodosii, & Zoili: qui pro CHRISTO dimicantes, contentationis, quam fortiter susceperant, confectæ præmium adepti sunt. In Hispania, Sæcti Hermenigildi Regis, & martyris: qui ob Catholicæ fidei confessionem, patris Ariani iussu, securi percussus, pro terreno regno, cæleste rex & martyr affecutus est. Chalcedoniæ, Sæctæ Euphemie uirginis & martyris: de qua sexto decimo Calendas Octobris. Ebreduni Sancti Marcellini Episcopi, & confessoris: de quo ad duodecimum calendas Maii. In finibus Aruernorum, Sancti Martini Abbatis, & confessoris.

Decimo octauo Calendas Maij. Luna.

F. xviii.

23 5 15 26 8 18 29 10 21 3 13 24 6 16 27 9 19 1 11
 A B C D E F G H I K L M N O P Q R S T

Romæ, uia Appia, beatissimorum martyrum, Triburtii, Valeriani, & Maximi. Duo priores Romæ e nobili familia nati;

L 4 beatæ

beatae Cæcilie uirginis & martyris cohortationibus abiecto idolorum cultu, ab Urbano, sanctissimo pontifice, baptismum suscipiunt. Hos præfectus urbis, Almachius, ubi Christianos esse cognouit, accersitos grauius reprehendit: post, cum in CHRISTI confessione constantes animaduertit, uirgis cædi imperat, postremo, uariis adhibitis cruciatibus, quos mareyres forti animo superarunt, ab quarto ad urbe miliarium, Marco Aurelio Imperatore, eos securi feriri iubet. Quorum uirtutem admiratus Maximus, præfecti cubicularius, ad Christianam religionem se contulit: quam palam professus, una cum aliis multis, primo plumbatis uerberatus, demum, profuso sanguine, coronatur. In Græcia, Sancti Aristarchi, beati Pauli Apostoli discipuli: de quo pridie Nonas Augusti. Sancti item Trophymi: cuius dies natalis ad quartum Calendas Ianuarii agitur. Interamnii, Sancti Proculi martyris, & Sanctæ item Dominae uirginis, & sociarum, quæ ob præclaras fidei confessiones, martyrii coronis donatæ, æterna perfruuntur gloria. Alexandriae in Aegypto Sancti Frontonis Abbatis: cuius uita in omni sanctitate, & miraculorum uirtute eluxit.

G.
vii.

Decimo septimo Calendas Maij. Luna.

24 6 16 27 9 19 1 11 22 4 14 25 7 17 28 10 20 2 12
A b c d e f g h i k l m n o p q r s t

15 **R**ome, beatissimorum martyrum, Maronis, Eurychetis, & Victorini. Ii cum Flauia Domicilla ad Pontiam insulam in exilium missi, Nerua Imperatore, ab idolorum cultu ad fidem multos cum reuocassent, Aureliani præsidis, Flauie sponsi, decreto, multiplici ei uarioque cruciatuum genere affectis, per admirandam patientiam, CHRISTI uirtute roboratam, ad martyrii palmam perueniunt. Cordubæ in Persia Sanctorum martyrum, Olympiadis, & Maximiani, Decii iussu, uirgis cæsi, plumbatis contusi, post in capite securibus tam-

A P R I L I S.

bus tamdiu verberati sunt, quoad animam agerent. Romæ, Sanctarū
 martyrum, Basilissæ, & Anastasiæ: quæ nobilitatē, & opibus floren-
 tes, Apostolorum discipulæ, apud Neronem Christianæ religionis
 accusatæ, in carcerem trudentur: inde post educatæ, cum in fidei pro-
 posito permanerent manibus, pedibus, lingua, demum ceruicibus
 præcisiss, martyrii palmam adeptæ sunt. Myris in Lycia, Sancti Cre-
 scentii martyris. Venetiis, Translatio Sancti Isidori martyris: cum e
 Chio insula illius corpus ad eam urbem asportatum est.

Decimo sexto calendas Maij. Luna.

25 7 17 28 19 20 2 12 13 5 15 26 8 18 29 11 21 3 13
 A b c d e f g h i k l m n o p q r s t

COrinthi, sanctorum martyrum Calixti, Charisii, Martialis, & 16
 sociorum sex: qui constanti confessionis certamine confecto,
 denique in mare projecti, martyrii coronam acceperunt. Cæsara-
 ugustæ in Hispania, beatorum martyrum, Optati, Luperci, Successi,
 Martialis, Urbani, Iulii, Quintiliani, Publii, Frontonis, Felicis, Cæci-
 liani, Euenti, Primitiui, Apodomi, & reliquorum quatuor, qui
 Saturnini uocati sunt. Ii, Deciano Hispaniarum præfide, acerbis
 uariisq; suppliciis exagitati, demum necati, insigniter coronantur.
 Eadem in vrbe, sanctorum etiam martyrum, Caii, Engratię virginis,
 & Crementii: qui semel, atq; iterū grauitertorti, in confessione cō-
 stantes, martyrii calicem biberunt. Hoc ipso die, Sancti Isidori mar-
 tyris: qui contemptis Decii Imperatoris edictis, christianam reli-
 gionem amplexus, eo nomine apud Numerium accusatus, eius hor-
 tatu ad idolorum cultum cum induci nullo pacto posset, ab eodem
 capitis damnatus, summa constantia pro Christo necem obiit. In
 Græcia, sanctorum martyrum, Felicis Episcopi, Ianuarii presby-
 teri, Fortunati, & Septimini. Ii, promulgatis, Diocletiani, & Maximia-
 ni, Cæsarum edictis, de concremandis ubique terrarum Christianæ
 fidei libris, cum eos tradere, tum idolis immolare, præcise constan-
 terque negarunt. quam ob causam uarię excruciat, demum ceru-
 ces pro

A P R I L I S :

ces pro Christi gloria vel libentissime dederunt. Palentia in Hispania Sancti Turibii Episcopi : qui pietate , & virtutibus episcopabilibus florentissimus, spectata vitæ sanctitate , & rerum mirifice, diuineque gestarum gloria clarus, fidem catholicam maxime adiuuit. In Dacia , Sancti Magni martyris . In Sicilia , Sancti Gulielmi confessoris. Colonia, Translatio, Sancti Albani martyris. In Belgis, Sancti Brogonis confessoris, miraculis clari.

B. xv.

Decimo quinto calendas Maij. Luna.

26 8 18 29 11 21 3 13 24 6 16 27 9 19 1 12 22 4 14
A b c d e f g h i K l m n o p q r s t

17 **R**omæ, Sancti Aniceti pontificis, & martyris. Hic Ioannis filius, genere Syrus, in vico Humisia natus, vir singulari pietate, & admirabili religione insignis, ad Ecclesiæ Dei gubernationem, Vero, & Antonino, Imperatoribus, accessit: hoc præter cetera ad conformandam clericalium morum disciplinam constituit, vt clerici, ex Apostoli præscripto, ne comam nutrent: quinquies mense Decembri ordinauit episcopos nouem, presbyteros septem & decem, diaconos quatuor: pontificatu multis annis religiose sancteque administrato, demum in summa ecclesiæ perturbatione, per Cæsares concitata, pro Christi gloria martyrio coronatur. In Africa, beatissimorum martyrum, Mappalici, Fortunionis, Credulæ, Firmi, Venti, Fructi, Martialis, Aristonis, & aliorum: qui, fidei vinculo, & carceris hospitio iuncti, vna etiam animorum consensione ad omnem cruciatum confirmati, congressionis, quam constantes susceperant, cursu confecto, præclaræ virtutis, & confessionis socii, ad sempiternum præmium abeunt in cælum. Antiochiæ, Sanctorum martyrum Petri diaconi, & Hermogenis. In Persia beatorum martyrum, Simeonis Episcopi, Abdelæ presbyteri, ac sociorum mille, & centum quinquaginta: qui, pro CHRISTO, animi religiosi incitatione adducti, nec nefarii regis Saporii immani barbarie deterriti, cruciatu, tor-

tus, tormenta, ac necem denique fortiter subierunt. Cordubæ Sanctorum, Helix presbiteri, Pauli, & Isidori, monachorum. Hi duo florenti ætate, ille iam senex, patria Lusitanus, admiranda sanctitate vir, pro fide necati, coronantur. Derthonæ, Sancti Innocentii Episcopi, & confessoris: cuius religiosa vitæ instituta, & res pie, ac diuinitus gesta, leguntur.

Decimo quarto calendas Maij. Luna. C. iiii.

27 9 15 11 12 22 4 14 25 7 17 28 10 20 2 13 25 5 15
A b c d e f g h i k l m n o p q r s t

Romæ, Sancti Apollonii Senatoris. Hic inter fideles politio- 18
ris literaturæ studiis, & philosophiæ scientia celebris, Christianæ religionis, Cómodo Imperatore, a seruo accusatus, id obnixè a iudice rogatus, vt fidei suæ rationem in senatu redderet, pro Christianæ pietatis, quã profitebatur, defensione accuratissimam orationem apologeticam habuit: qua recitata ex senatus decreto securi percussus, martyrio coronatur. Meslanæ, sanctorum martyrum, Eleutherii Episcopi, & Anthiæ matris. Ille vitæ religione, miraculorumque virtute illustris, teterrima hæc supplicia, ectum e ferro candenti, craticulam, sartaginem, oleum, ac picem feruentem magno animi pii robore superans, leonibus obiicitur. a quibus diuina opemihil vilo modo læsus, demum una cum Anthia matre iugulatur. Brixia, Sancti Caloceri martyris: de quo narratum est decimo quarto calendas Aprilis. In Græcia, Sancti Sabæ martyris: qui, octauum & trigesimum annum agens, Valentiniano, & Valente, Imperatoribus, multiplici cruciatu genere ob fidei cõfessionem tortus, denique in Musæum flunium præceps deiectus, pro constanti concertatione, & pietatis victoria coronam tulit. Cordubæ, beatissimi martyris Præfecti presbyteri. Hic ciuis Cordubensis, in basilica Sancti Acifeli, nobili eruditione ecclesiasticisque disciplinis institutus, & Arabici sermonis usu literate peritus, cum eam ob causam Mauris no-

ris notus admodum esset, de CHRISTO & Mahomete testi-
 monium proferre aliquando iussus, expositis, exaggeratisque ne-
 riis istius facinoribus, explosaque doctrina, CHRISTI diuinita-
 tem libere professus, a Maurorum cohorte comprehensus, ad iudi-
 cem rapratur; cuius iussu compedibus uinctus, in ergastula truditur:
 ubi, in vigiliis, orationibus, ac ieiuniis frequens, spiritus Sancti uir-
 tute roboratus, liberius fortiorique animo sententiam suam con-
 firmavit. itaque multis post mensibus e carcere eductus, constantis-
 sime CHRISTI confessione, Mahometis cultum detestans, gla-
 dio percussus, coronatur. Cæsaraugustæ, Sanctæ Engratiæ virginis:
 quæ horribilem in modum varie cruciata, denique in custodiam in-
 cluditur, quoad ulceratum corpus putresceret. In Cænobio Laubi-
 si, Sancti Ursuarii Episcopi, & confessoris: qui prædicationis munere
 religiosæ vitæ egregiis exemplis, ac rerum, quas mirifice gessit, ad-
 miranda magnitudine, permultos ad fidem CHRISTI a supersti-
 tionibus perduxit. qua laude, & miraculis clarus, quieuit in Domi-
 no. Mediolani, Sancti Galdini Episcopi, & confessoris. Is ciuis Me-
 diolanensis, a pueritia deditus sacrarum litterarum studiis, primo
 Archidiaconus, deinde ab Alexandro Tertio, Pontifice Maximo, Ar-
 chiepiscopus illius ciuitatis creatus, assiduis precibus, & ieiunio ro-
 tus addictus, quod de Ecclesia, sibi commissa, sancte gerenda, animo
 conceperat, Dei auxilio affecutus, demum spectata sanctimonia infi-
 gnis, de suggestu contra Catharorum, hæresim, quam ab grege suo
 propulsandam curarat, concionandi ubi finem fecit, animam Deo
 reddidit.

Decimo tertio calendas Maij. Luna.

28 10 20 2 13 23 5 15 26 8 18 29 11 21 3 14 24 6 16

A b c d e f g h i k l m n o p q r s t

Romæ, Sancti Leonis Pontificis. Hic in Alsatia Germanæ pro-
 uincia, nobili genere natus, doctrina, religione, & sanctitate
 florens, Pontifex renunciatus, pro Ecclesia Dei quâ plurima diuinæ
 gessit:

gefsit: Romanum concilium habuit, & Papiense item, & Mogun-
 tinum de reipubl. Christianæ statu: cuius causa in Galliam etiam
 profectus, Rhemis Episcoporum Gallix synodum habuit; & Ver-
 cellis quoque contra Berengarium hæreticum. Constantinopolim
 præterea, vt ab erroribus Græcos reuocaret, & in catholix religio-
 nis institutis contineret, legatos tres misit. Basilicam, Hierosolymæ
 magnificis sumptibus religiose extructam, quæ sepulchri CHRIS-
 TI Domini nomen accepit, a Sarracenis, Turcisque dirutam, om-
 ni vigilantia ab Imperatore Constantinopolitano restituendam cu-
 rauit. fuit is in pauperes mirifica eleemosynarum liberalitate; in
 Sanctorum cultu, de quibus multis cantus conscripsit, egregia pieta-
 te; in diiudicandis causis ecclesiasticis æquitate singulari, sacrarum
 quæ doctrinarum scientia præstanti: quæ cum in ceteris plurimis in-
 genii sui monumentis eluxit, tum in lucubrationibus contra Græco-
 rum errata a se erudite confectis. Horum virtutum, & miraculorum
 laude clarus Pontifex, Ecclesia quinque annis pie administrata, plu-
 rimis sancte factorum meritis cumulatus, in cœlis æterno perfrui-
 tur præmio; & in terris consecrata eius memoria, anniuersaria diui-
 norum officiorum cultu Rhemis celebratur. Corinthi Sancti Timo-
 nis diaconi: qui fuit vnus ex septem, quos Apostoli instituerunt. Is
 Berrohoæ, deinde aliis locis Euangelium disseminans, post corin-
 thum venit: vbi a Iudæis, & Græcis in flammam iniectus, nihil incē-
 dio tamen læsus, in crucem postremo actus, martyrio coronatur. Mi-
 leti in Armenia, Sanctorum martyrum, Hermogenis, Caii, Expe-
 diti, Aristonici, Rufi, Galatæ, & Theodosiæ, virginum. Hi vno
 die præclare dato fidei testimonio, coronantur. Caucoliberi in Hi-
 spania, Sancti Vincentii martyris. Cantuariæ in Angliæ, Sancti El-
 phegi Episcopi, & martyris. Is, non obscuro loco natus, paterna ne-
 glecta hæreditate, primo in monasterium, deinde, quo liberius in
 diuinis contemplationibus conquiesceret, in solitudinem se ab-
 didit: quo peruagata illius sanctitatis fama, maximus ad eum factus
 est concursus nobilium hominum, salutis consilium expetentium.
 Mortuo autem Vintoniæ Episcopo, in illius locum successus est di-
 uino admonitu: indeque ad Archiepiscopatū Cantuariensem uoca-
 tus, occupata per Danos Anglia, ob pietatē uaria ab illis cruciamēta
 per-

APRILIS.

perpessus, demum, securi capiti infixæ, necatus, martyrii corona donatur.

E. xii.

Duodecimo calendas Maij. Luna.

29 11 21 3 14 24 6 16 27 9 19 1 12 22 4 15 25 7 17
A b c d e f g h i k l m n o p q r s t

20 **R** Omæ, sanctorum martyrum, Simplicii, & Seruiliani: qui, Flauie Domicillæ hortatu, miraculorumque magnitudine ad fidem conuersi, idolis cultum tribuere, cum præcise, constanterque negarent; Traiano Imperatore, Aniani, urbis præfecti, iussu, securi feriuntur. In Græcia, sanctorum martyrum, Victoris, Zotici, Zenonis, Acindymi, Cæsarii. Serueriani, Christophori, Theonæ, & Antonini. li, Diocletiano fidei aduersario, pro CHRISTO Domino dimicatione suscepta, varie torti, ac varie item necati, admiranda constantia martyrium obierunt. Ebreduni in Gallia, Sancti Marcellini: qui primus illius urbis Episcopus, ex Africa, Dei monitu, vna cum sociis Vincetio, & Domnino proficiscens, prædicatione, vitæ sanctissimæ exemplis, ac miraculorum cælesti virtute, magnam alpium maritimarum partem ad CHRISTI fidem perduxit. Antifiodori, Sanctorum, Martiani, & Mamertini, presbyterorum. Vticæ in Africa, Sancti Victoris Episcopi, & confessoris.

Fr.

Vndecimo calendas Maij. Luna.

1 12 22 4 15 25 7 17 28 10 20 2 13 23 5 16 26 8 18
A b c d e f g h i k l m n o p q r s t

21 **I** N Persia, Sancti Simeonis Episcopi, & aliorum martyrum centum. Is, Saporio Rege iubente, comprehensus, ferroque onustus, cum Solem venerari nollet, ac libera uoce CHRISTVM Dominum testaretur, primum una cum aliis centum, partim presbyteris, partim diaconis, & clericis, in ergastulum conclusus, atque ibidem cruciату pene confectus, tandem simul cum iis omnibus securi percussus est: cum eodemque præterea religionis causa clarissimi viri con-

trucidati

trucidati sunt, Vstazades, Abdella, Ananias, hi duo senes, & Pufitius, fabrum regis præfectus, huiusq; filia, virgo sacra. In Græcia, sanctorum martyrum Ianuarii Episcopi, Proculi, & Fausti, diaconorum, Desiderii lectoris, & Sociorum: qui, Diocletiano Imperatore, suppliciis exquisitissimis excruciat, superata eorum vi, demum datis pro gloria Dei ceruicibus, coronantur. In Asia, Sancti Maximini martyris. Hic, in persecutione Deciana, primum multiplici tormentorū genere acerbissime afflictatus, demum lapidibus obrutus, palmam tulit. Alexandria beatorum martyrum, Aratoris presbyteri, Fortunati, Siluii, Felicis, & Vitalis: qui pro fide in carcerem detrusi, ibi dormierunt in Domino. Cantuariæ in Anglia, Sancti Anselmi Episcopi, & confessoris. Brixia, Sancti Cypriani Episcopi, & cōfessoris.

Decimo calendas Maij.

Luna.

G.

2 13 23 5 16 26 8 18 29 11 21 3 14 24 6 17 27 9 19
A b c d e f g h i K l m n o p q r s t

Romæ, Sancti Sotheri Pōtificis, & martyris. Hic Cōcordii filius, 22 Fundis in Campania natus, vir pius, quæcunque egentibus ad corporis vsum opus essent, liberaliter admodum subministravit. In periculis maximis cum esset, numquam tamen animum a re diuina abduxit. Ad Campaniæ Episcopos epistolam vnā, quæ tota de fide est; alteram ad Italiæ Episcopos scripsit: in qua, multis decretis editis, elucet maxime dignitas, & auctoritas sedis Apostolicæ. Pie autem administrato nouem annis & amplius pontificatu, demum Antonino Imperatore, martyrio coronatus, via appia sepelitur. Romæ item, Sancti Caii Pontificis, & martyris. Is, e genere Diocletiani Cæsaris ortus, vbi pontificatum iniit, ad Ecclesiæ amplitudinem cum multa instituit, tum illud potissimum, vt horum ordinum, Ostiarii, Lectoris, Exorcistæ, Acoluthi, Subdiaconi, Diaconi, & Presbyteri gradibus ad episcopatum ascenderetur. Diaconis præterea regiones vrbis partitus est. Cum autem Diocletiani tyrannicam in Christianos crudelitatem fugeret, aliquandiu in spelunca delituit: tandē ab illius satellitibus comprehensus, cum a fide desciscere constan-

tissime

APRILIS.

tissime recusasset. datus pro CHRISTO ceruicibus, martyrii poculum hausit. Romæ præterea, Sancti Agapiti Pontificis. Is, cuius Romanus, ubi primum ad Ecclesiæ gubernationem accessit, Constantinopolim profectus, Anthimum, illius vrbis Episcopum, hæreticum ab episcopali munere, amouit, subrogato in illius locum Menna, catholico viro: Iustinianum Imperatorem ab Eutyiana hæresi reuocauit. Oecumenicam Synodum Constantinopolitanam, quæ quinta numeratur, aduersus Seuerum Antiochenum, & Acephalos indixit: aliaque multa egit, præclaris & sanctitatis, & virtutis diuinæ significationibus; in quibus illud est, quod mutum, & surdum mirabiliter sanauit corporis Domini administratione. Fide igitur, religione, & castissimæ pietatis officiis, totoque pontificio munere illustri pontifex, re Christiana bene & salutariter gesta, ad præmium commigrauit in cœlum. Lugduni Sancti Epipodii martyris: qui Ecclesia Dei tyrannicis Antonini Cæsaris oppugnationibus exagitata, post exquisitissima tormenta, quibus varie affectus est, demum martyrii cursum, abscisso capite, confecit. Hoc ipso die, Sancti Leonidis martyris. Hic Origenis pater, patientissima cruciatuum tolerantia insignis, demum pro CHRISTI gloria capite mulctatur. In Græcia, Sancti Nearchi martyris: qui in ignem positus, diuina virtute roboratus, egregiū fidei Christianæ testimoniū dedit. In Persia, beatorū martyrum, Melesii, & Accepsimi, episcoporum, Iacobi presbiteri; Mareæ, & Bicoris, episcoporum item; ac clericorum præterea, fere ducentorum, & quinquaginta; Monachorum etiam, & sacrarum virginum, atque aliorum plurimorum: qui, saporii Regis iussu, cruciatibus variis eximie nobilitati, multiplici necis genere nobiliores, declarata in omni supplicio germana erga Deum pietate, pro illustri concertatione ad præmium euolarunt in cœlum. Cordubæ, sanctorum martyrum, Parmenii, Helimenæ, & Chrysoloti, presbyterorum; lucæ, & Mutii diaconorum: quorum congressio pro fide præclare suscepta, & egregie demum confecta, in monumentis extat martyrii beatissimi Laurentii. Hierosolymæ, Sanctorum, Triginta mille martyrum: qui, Cosdroe Persarum Rege, contrucidati, coronantur. Apud sennonas, Sancti leonis Episcopi, & confessoris. Hic in religionis vitæ officiis caste, pieque versatus, ob præclara merita, in Sanctis

a Leo-

a Leone Pontifice adscriptus est. Venetiis, Translatio Sancti Eustathii, Patri archæ Constantinopolitani. Eodem die, Inuentio Sanctorum martyrum, Dionysii, Rustici, & Eleutherii. Mediolani, Sancti Maroli Episcopi & confessoris.

Nono Calendas Maij.

Luna.

A ix.

3 14 24 6 17 27 9 19 1 12 22 4 15 25 7 18 28 10 20
 A b c d e f g h i k l m n o p q r s t

Romæ, Sancti Naboris martyris. Diospoli in Persia, Sancti Georgii martyris: quem Græci patres ob præclaras Christianæ uirtutis laudes, quibus illustris admodum ille fuit, magni martyris nomine eum appellant, ac multis præterea præconiis Latini eundem celebrant. Illius historia & si in apocryphis censetur, eiusdem tamē illustre martyrium Ecclesia ueneratur. Valentia in Gallia, beatorum martyrum, Felicis presbyteri, Fortunati, & Achillei, diaconorum: qui ab Sancto Irenæo, Lugdunensium Episcopo, ad prædicationem Euangelii eo missi, cum ab impio cultu maximam illius ciuitatis partem ad fidem conuertissent, a Cornelio Duce in carcerem cōtrusi, neruis diutissime cæsi, tum equuleo per diem, & noctem suspēsi, caliginis fumo supposito; post uinctis a tergo manibus, cruribusque contractis, orbitarum uinculis astricti; demum gladio percussi, egregie coronātur. In Græcia, beatorum martyrum, Valerii, Anatolii, Protoleonis, Athanasii, & aliorum: qui uariis exantlatis cōcertationum laboribus, fidei testimonium nece perhibuerunt. Præge in Bohemia, Sancti Adalberti Episcopi, & martyris: cuius in uita religiose excolenda exercitationes, & in Ecclesiæ bonis recte distribuēdis prudentia, cum pietate singulari coniuncta, & religionis causa susceptæ peregrinationes, & pro gloria CHRISTI res summa episcopalis animi ui, ac magnitudine gestæ, & in martyrio certamina, litteris consignata, illius ostendunt merita, ob quæ cælesti præmio a CHRISTO Domino donatus est. Tulli, Sancti Gerardi Episcopi & confessoris.

M Octauo

A P R I L I S.

B. Octavo Calendas Maij. Luna.

4 15 25 7 18 28 1 20 2 13 25 5 16 26 8 19 29 11 21
A b c d e f g h i k l m n o p q r s t

24 **L** Vgduni, Sancti Alexātri martyris : qui Antonino Imperatore, in custodiam traditus, tortorum uerberibus primum ita horribilem in modum dilaniatur, ut laterum cōmissura diuulsa, uisceribus patefactis foede intestina apparerent post cruci demū affixus, animam Deo reddidit. Cum eo præterea simul alii quattuor, & triginta, fidem **C H R I S T I** constanter professi, crudelissime pro nefarii præfecti uoluntate diu cruciati, confecto martyrii cursu, in cœlū migrarūt. In Græcia, Sancti Sabæ martyris, & aliorum septuaginta. Is Christianæ fidei colens, illorum qui religionis causa in uinculis essent, curam gerebat. eo igitur nomine accusatus, in iudicio **C H R I S T V M** libere confessus, tum funalibus accensis semiustulatus, tum in lebetem feruentem iniectus, inde diuinitus a periculo eripitur. Cuius rei admirabilitate peruulgata, uiri septuaginta, fidem Christianam amplexi, in illa tuenda constantissimi, præciso capite, martyrium obierunt. Beatus autem Saba, institutis iterum quæstionibus, animo magis, atque magis ad confessionem **C H R I S T I** confirmato, in fluuium proiectus, coronatur. Hoc ipso die, Sanctorum martyrum Eusebii, Neonis, Leontii, Longini, & aliorum quattuor. Ii, coronato beatissimo Georgio martyre, cum ex funesto Diocleriani edicto omnes ubique terrarum Christianos, illosque præsertim, qui illius martyris cura **C H R I S T O** adhæsisserent, in carcerem conuicti iussum esset, eo nomine comprehensi, a fide ut descisserent, per uim adacti, id constāti animo negarunt. quam ob causam primo uerberibus vsque adeo grauiter cæsi, ut dissipatis uisceratim membris, intestina diffluerent; demum præcisis ceruicibus, martyrii cursum præclare confecerunt. In Britannia, Sancti Melliti Episcopi, & confessoris: cuius res, diuine gestæ, ad posteritatem litteris prodite sunt. Heliberi, Sancti Gregorii Ep̄i, & confessoris. In Hibernia, Sancti Egberti Monachi, & confessoris; admiranda humilitate, continētia,

& uir-

& uirtutibus in religiosa uita affluentis uiri. Rhemis, Sanctarum uirginum, Bonæ, & Dodæ. Hoc ipso etiam die Sanctæ Coronæ uirginis.

Septimo Calendas Maij. Luna.

C.

xvii.

5 16 16 8 19 29 11 21 3 14 24 6 17 27 9 20 1 12 22
 A b c d e f g h i k l m n o p q r s t

Sancti Marci Euangelista. Hic beati Petri, Apostolorum princi- 25
 pis, interpres, & discipulus, ante, quam Sanctus Lucas, Euange-
 lium scripsit: quod cum ipse Petrus audisset probauit, & Ecclesiæ le-
 gendum sua auctoritate edidit. Is primus Alexandria in Aegypto
 Episcopus, non Alexandrinos solum, sed uniuersam finitimam re-
 gionem Euangelii præceptis atque institutis imbuuit: loco, qui dici-
 tur Bucolus, Nerone Imperatore, martyrium subiit. Hoc ipso die li-
 taniæ maiores, a sanctissimo Pontifice Gregorio magno institutæ:
 populo in septē ordines distincto, supplicationis causa ad beati Pe-
 tri basilicam procedente. Syracusis, beatorum martyrum, Euodii, Her-
 mogenis, & Calisti. Alexandria in Aegypto, Sancti Aniani Episco-
 pi. Is ciuis Alexandrinus, e nobili familia natus, beati Marci disci-
 pulus, in illius locum Episcopus factus, duobus & uiginti annis Ec-
 clesiæ, sibi commissæ, præfuit. quo episcopali munere diuine perfun-
 ctus, sancte factorum gloria clarus, Domitiano Imperatore, quieuit
 in Domino. In Britannia, Sancti Augustini Episcopi, & confessoris.
 Hic a beato Gregorio ad illam insulam missus, ab impio cultu popu-
 lum Britannicum ad fidem reuocauit.

Sexto Calendas Maij. Luna.

D.vi.

5 17 27 9 20 1 12 22 4 15 25 7 18 28 10 21 2 13 23
 A b c d e f g h i k l m n o p q r s t

Romæ, Sancti Cleti Pontificis, & martyris. Is, a beato Petro ad 26
 fidem conuersus, ab eodem presbyter factus, post Episcopus
 consecratus, illum, in Ecclesia Dei gerenda, uigilanter adiuuit.

M 2 Deinde

APRILIS.

Deinde is aliquot post annis pontifex, summa fidelium consensione renunciatus, in eam curam totus incubuit, ut in urbe Roma, amplissimo omnium gentium domicilio, superstitionum conuulso seminario, fidei cultum propagaret. Datis autem ad omnes gentes litteris, religiosum ad limina Apostolorum peregrinandi studium commendauit, anathemate illius dissuasores execratus. In Epistolis Pontificiis primus usus est illis uerbis, Salutē, & Apostolicā Benedictionē. Re deniq; Christiana, sanctissime administrata, martyrio in persecutione Domitiani coronatur. Romæ item, Sancti Marcellini Pontificis, & martyris; ac trium præterea aliorum, Claudii, Cyrini, & Antonini. In maxima persecutionis Diocletinianæ tēpestate, tyrannicis suppliciis ille perterrefactus, per uim thus idolis adhibuit. cuius nefarii facinoris mox cum tantopere pœnituit, ut Sinuessam ad concilium uenerit, cilicio indutus, ubi lacrymis profusis peccati admissi grauitatem publice palamque confessus est. Quem tamen dānare ausus est nemo: sed omnes, præclaro summæ pontificiæ potestatis testimonio dato, vna voce clamarunt; Tuo te ore, non nostro, iudica. Deinde is Romam reuersus, Imperatorem adit, grauitè illum accusans, quod se ad tantam impietatem impulisset. Quam ob causam una cum illis tribus securi percussus, gaudenti animo martyrium obiit: bis mense Decembri de more habitis ordinationibus, quibus Episcopos quinque, presbyteros quattuor, & diaconos duos creauit. Quo tempore usque adeo uehemens rei Christianæ perturbatio extitit, ut uno mense, septem, & decem millia fidelium pro CHRISTI gloria, cruciatus, cruces, inaudita tormenta, cædem, flammam, omneque tererrimæ mortis genus pertulerint. Amaseæ, Sancti Basilei Episcopi, & martyris. In monasterio Centula, Sancti Richarii Episcopi, & confessoris: cuius uita, sancte acta, ab Alcuino litteris mandata est, Viennæ, Sancti Clarentii Episcopi, & confessoris. Bergomi, Translatio Sanctorum martyrum, Proiecti, & Iacobi.

Quinto Calendas Maij.

Luna.

E.

7 18 28 10 21 2 13 23 5 16 26 8 19 29 11 22 3 14 24
 A b c d e f g h i k l m n o p q r s t

Romæ, Sancti Anastasii, Pontificis. Hic ciuis Romanus, patre Maximo natus, uir plane optimus, eaq; uitæ sanctimonia prælu-
 lucens, ut quod de eo beatus Hieronymus testatum facit, Mundus dignus non fuerit, qui diuturna illius uita frueretur. Pōtifex factus, in re ecclesiastica amplificanda, atque exornanda totus cum esset: editis pontificiis litteris iussit, dum Euangelium in ecclesia pronun-
 ciatur, sacerdotes, cæterosque omnes omnium ordinum homines assurgere, ac stare. Vetuit etiam, ne peregrini, & ii in primis, qui transmarini essent, sacris ordinibus, eorumque muneri adscriberen-
 tur; nisi allatis obsignatis litteris, quibus ab Episcopis quinque sub-
 scriptū esset. Interdixit præterea, ut nemo, qui mactus, & aliquo cor-
 poris membro captus esset, sacris initiatur. Basilicam Sanctæ Cre-
 scentiæ, Romæ uia Mamertina, exædificauit, & Cœmiterium quoq;
 ad uersum pileatum. Ad Cōcilii Carthaginensis Patres epistolam de-
 dit, pontificiæ sollicitudinis, paternæq; charitatis plenam; qua illos
 contra Donatistarum insidias mirifice animauit. Idem Concilium
 confirmauit, & Africanum item. His, atque aliis insigniter, pieque
 gestis, laborum pontificalium præconio, laudeque Sanctæ Vigilant-
 iæ, & uirtutum omnium clarus, obdormiuit in Domino. Nicome-
 diæ, Sancti Anthimi Episcopi & martyris; cui, Diocletiano Impera-
 tore, barbara immanitate, crudelisque animi impotentia, Dei Eccle-
 siam oppugnante, caput pro salutari CHRISTI nomine abscissum
 est. Huic ingens, & frequens martyrum multitudo adiuncta fuit. quo-
 rum, quasi cumulo aceruatim facto, alii gladio contrucidati; alii ar-
 dore flammarum, corporibus circumiectarum, exusti; alii tum uiri,
 tum mulieres etiam diuina, atque inexplicabili alacritate, ultro pro
 fidei testimonio se se in rogum iniicientes; multi uinculis colligati,
 & scaphis a licitoribus impositi, in uastos maris gurgites, & procel-
 las, præcipites proiecti, pro diuina hac testatæ pietatis uictoria, co-

APRILIS.

ronis cælestibus donati sunt. In Græcia, Sanctorum martyrum, Pulpionis, & Lolionis: hic, in persecutionum tēpestate, foede raptatus, ille gladio percussus, martyrio coronatur. In Pannonia, Sancti Polionis martyr: qui, Diocletiano, & Maximiano Imperatoribus, in CHRISTI stadio luctatus, grauib; certaminibus præclare obediens, egregium fidei testimonium, profuso sanguine, dedit. Tharsis in Cilicia, beatorum martyrum, Castoris, Stephani, Hermetis, & Victoris. Brixia, Sancti Theophili Episcopi, & confessoris. Altini, Sancti Liberalis presbyteri, & confessoris: qui beati Heliodori discipulus, admiranda abstinentia fuit, & erga pauperes, ægrosque charitate uere Christiana.

F.
xiiii.

Quarto Calendas Maij. Luna.

8 19 29 11 22 3 14 24 6 17 27 9 20 1 12 23 4 15 25
A b c d e f g h i k l m n o p q r s t

28. **R** Auennæ, Sancti Vitalis Martyris. Hic beatorū martyrum Geruassii & Protasii pater, cum Ursicinum medicum, in tormentis, quæ ob CHRISTI confessionem patiebatur, paululum turbantem, magnopere animasset: cum Paulinus iudex, attentata illius constantia, primum equuleo torqueri; post in profundam foueam demersum, lapidibus & terra obrui iussit. Mediolani, hoc ipso die, Sanctæ Valeriæ martyr: quæ audito uiri Vitalis martyrio, Rauennam uenit, ut illius corpus Mediolanum asportaret: in somnis uero diuinitus admonita, ab suscepto consilio destitit. Cum autem ad patriam rediret, in rusticos homines incidit, Siluano sacrificantes. a quibus quoniam adigi non potuit, ut idolo immolaret; ab eis in summa fidei constantia, uerberibus pœne confecta, & uix semiuiua a seruis Mediolanum perducta, tri duo post, tota in CHRISTI meditatione defixa, migravit in cœlum. Alexandria Sanctæ Theodoræ uirginis. Hæc, spreto idolorum cultu, ob id in lupanar tradita, inde Didymi opera, iuuante Deo erepta, sicque seruata uirginali castitate, una cum eo percussa gladio, ad duplicatam uirginitatis, & martyrii

tyrii caelestem palmam abiit. Prusæ, Sancti Patricii Episcopi: qui ob uirtutis & sapientiæ præstantiam, illius ciuitatis Episcopus factus fidei, et pietatis Christianæ ardore flagrans, ob eam causam ab idolorum cultoribus comprehensus, iudicii sistitur: apud quem falsorum Deorum inanem superstitionem libere reprehēdit; quare variis cruciatus tormentis, demum supplicio capitis affectus, martyrii præmium accepit. In Græcia, S. Iasonis martyr. Eodem die, sanctorum Aphrodisii, Caralippi, Agapeti, & Eusebii, martyrum.

G.

iii.

Tertio Calendas Maij. Luna.

9 20 1 12 23 4 15 25 7 18 28 10 21 2 13 24 5 16 26
 A b c d e f g h i k l m n o p q r s t A

IN Numidia, apud cirtensem coloniam, beatissimorum marty- 29
 rum, Agapii & Secundini episcoporum: qui Valeriano Ecclesiæ ho-
 ste, ad eam urbem relegati, in qua potissimum gentes maximo tene-
 bantur studio restringendæ Christianæ religionis, illustre marty-
 rium subierunt; unaque cum iis Aemilianus miles, & sacræ uirgines
 duæ, Tertulla, Antonia, & mulier simul cum liberis duobus. item
 Arelati, Sancti Reguli Episcopi. Is homo Græcus, in urbe Nicæa na-
 tus. beati Ioannis Euangelistæ discipulus, in Galliam cum Sancto
 Dionysio Areopagita profectus, Trophimo illius urbis Episcopo
 succedens, eo munere religiose perfunctus, pie factorum meritis cu-
 mulatus, obdormiuit in Domino. In Græcia, Sanctorum martyrum,
 Zenonis & Vitalis: qui fidem CHRISTI, quam amplexi erant,
 testatam præclare fecerunt, flammis ambugi. Alexandria, beatorum
 martyrum, Vitalis, Cristophori, Germani, Prosdocii, & Urbani. Bri-
 xia, Sancti Paulini Episcopi, & confessoris. In monasterio Cluniacē-
 si, Sancti Hugonis Abbatis. Hic in Burgundia illustribus parentibus
 natus, fit monachus, deinde Abbas: cuius habitus, forma religionis,
 uita fuit, bene sancteq; uiuendi institutio. Hoc ipso die, S. Roberti
 Abbatis: qui Cisterciensis ordinis, diuina largiēte gratia, auctor, in
 religiosa uita floruit, cælesti uirtute, & miraculorum magnitudine.

M 4 Medio-

APRILIS.

Mediolani, Sancti Petri martyris. Hic ordinis prædicatorum, in nõ-
nullis Italiae partibus, cum Dei uerbum contra hæreticos prædica-
set, ab illis apud Mediolanum cõtrucidatus est. Eius res pie diuine-
que gestas Innocentius Quartus, Pontifex Maximus, iis litteris man-
dauit, quas ubique terrarum promulgari uoluit, cum illum in San-
ctorum numerum retulit. Hoc etiam die, Sanctæ Catharinæ virgi-
nis. Hæc Senis orta, ab adolescẽtia, suscepto Sãcti Dominici de peni-
tentia habitu, in omni religiosæ disciplinæ exercitatione caste in-
tegreque uersata, sanctimonia, & miraculorum laude clara, a Pio se-
cundo, Pontifice Maximo, cognitis, & perspectis illius rebus pie, ca-
lestique uirtute gestis, in Sanctarum uirginum numero adscri-
pta est.

A. *Pridie Calendas Maij. Luna.*

10 21 2 13 24 5 16 26 8 19 29 11 22 3 14 25 6 17 27
A b c d e f g h i k l m n o p q r f t

30 **R**omæ, Sancti Quirini martyris: cuius dies natalis tertio calen-
das Aprilis est, & hodie item festa celebritate colitur. Apud
Sanctonas, Sancti Eutropii Episcopi, & martyris. Hic Persa, paren-
tum Regum filius, beati Dionysii Areopagitæ discipulus, & comes,
a Sancto Clemente Pontifice Episcopus Sanctonensium consecra-
tus, septem & uiginti annis eo munere functus, excitata infidelium
persecutione, colliso capite, uictor coronatur. In Lambesitana urbe,
Sanctorum martyrum, Iacobi diaconi, & Mariani lectoris. Hic, iam
pridem superatis semel Decianæ persecutionis periculis, iterum cõ
Iacobo socio cõprehensus est. Sicque ambo grauissimis cruciatibus,
primum affecti, demum una cum aliis multis, gladio percussi sunt.
In Asia, Sancti Maximi martyris. Hic, tyrannicis Decii Cæsaris,
contra Christianos promulgatis edictis, se Christianum esse, palam
libereque professus, a prouinciæ proconsule nullis suasionibus de
gradu pietatis deiectus; primo fustibus cæsus, post equuleo tortus,
postremo lapidibus obrutus, coronatur. In Hispania, beatorum
martyrum, Amatoris presbyteri, Petri monachi, & Ludouici: qui
prædi-

prædicationis Euangelicæ vno fædere iuncti, ob eam causam comprehensi, in fidei confessione constantissimi, ab Arabibus necati sunt. Mediolani, Sancti Miroclis Episcopi: de quo infra pridie calendarum Decembris. In finibus Tridentinorum, Sanctæ Maxentiæ viduæ. Hæc beati Vigiliæ Episcopi mater, singulari pietate, & religione ita præluxit, vt miraculis compluribus eius sanctitatis laudem Deus testatam fieri voluerit. Nouariæ, Sancti Laurentii præbyteri. Londoni in Anglia, Sancti Erconualdi Episcopi, & cōfessoris: qui ex Deo, toto animo totaque cogitatione pendens, dum in terris esset, cœlestium rerum contemplationi magnopere deditus, populo sibi commisso, ad sempiternā patriam uerbis & exemplis iter comministravit: multarumque virtutum splendore clarus, abiit ad Dominum.

MAIUS.

Calendis Maij. Luna.

B.xi.

11 22 3 14 25 6 17 27 9 20 1 12 23 4 15 26 7 18 28
 A b c d e f g h i k l m n o p q r s t

Sanctorum Apostolorum, **Philippi, & Iacobi.** E quibus Philippus, Bethsaidæ natus, vnus e duodecim Apostolis, accepto spiritu sancto, cum Scythia ad prædicandum Euangelium ei obtigisset, omni fere illa gente ad CHRISTI fidem conuersa, inde, peragratas Asiæ urbibus, postremo in Phrygiam, Hierapolim profectus, ibi pro CHRISTI nomine cruci affixus, lapidibusque obrutus, migravit ad Dominū. Eius corpus, a Christianis sepultum, post, Romā delatum est ad Basilicam duodecim Apostolorum. Iacobus autem, frater Domini, Hierosolymæ Episcopus, CHRISTVM, Dei filium constantissime prædicans, lapidibus primo appetitur; mox in altissimum templum perductus, inde præceps deiectus est: cōfractisque cruribus, iacens semiuiuus orabat: qua in oratione, capite fulonis fuste percusso, animam Deo reddidit. Hoc ipso die, Hieremiæ Prophetæ. In Gallia, apud Viuarienses, Sancti Andeoli diaconi: qui ab Sancto Polycarpo prædicationis causa eo missus, Seueri Cæsaris iussu,

pliciis ullis, nec denique nece deterreri potuerit quod satis declarant præclari de religionis Christianæ defensione libri ab eo cõscripti. In omne autem hominum genus, qui ab Euangelii doctrina abhorrent, acerbum se prestitit, tum in philosophos maxime, & in Crescentem in primis Cynicum: cuius uitam, & mores nefarios, quoniam multis audientibus coarguerat; ex illius infidiis in eadem Antoniniana persecutione, fortiter multa perpeffus, demum pro Euangelicæ ueritatis propugnatione, eximiam gloriæ æternæ coronam martyrio insigni consecutus est. In Græcia, Sanctorum martyrum, Maximi, Cintilliani, & Dadæ. Ii, Maximiano, & Diocletiano, Ecclesiam Dei uexantibus, comprehensi, in iudicio institutis quæstionibus, se Christianos esse, libera uoce confessi, in custodiam includuntur: ubi noctu in somnis Satanæ astu contra a se dici uident: at e somno excitati, ad eandem confessionem Angeli admonitu cum uehementius se se confirmassent, postridie mane ab impiis non modo non potuerunt a proposito amoueri, sed fidentiori animo, ac liberius CHRISTI religionem professi, primo uerberibus cæsi, post in carcerem iterum coniecti, demum, alijs superatis cruciamentis, gladio percussi, palmam martyrii tulerunt. Eodem die, beatorum martyrum, Eleutherii, Persæ, Theodosii, & Zoili: qui pro CHRISTO dimicantes, conuersionis, quam fortiter susceperant, confectæ præmium adepti sunt. In Hispania, Sancti Hermenigildi Regis, & martyris: qui ob Catholicæ fidei confessionem, patris Ariani iussu, securi percussus, pro terreno regno, cæleste rex & martyr affecutus est. Chalcedoniæ, Sanctæ Euphemie uirginis & martyris: de qua sexto decimo Calendas Octobris. Ebreduni Sancti Marcellini Episcopi, & confessoris: de quo ad duodecimum calendas Maii. In finibus Aruernorum, Sancti Martini Abbatis, & confessoris.

Decimo octavo Calendas Maij. Luna.

F. xviii.

23 5 15 26 8 18 29 10 21 3 13 24 6 16 27 9 19 1 11
 A B C D E F G H I K L M N O P Q R S T

Romæ, uia Appia, beatissimorum martyrum, Triburtii, Valeriani, & Maximi. Duo priores Romæ e nobili familia nati;

L 4 beatæ